



**Methodus S. Ignatii De Loyola Ducens Animam ad
Perfectionem per Exercitia Spiritualia**

Vatier, Antoine

Dilingæ, 1689

Meditatio I. De Regno Christi.

[urn:nbn:de:hbz:466:1-60263](#)

Pro II. Cap. 1. 7. 8. lib. 2.

Pro III. Cap. 1. 2. 3. & 4. lib. 3.

Consideratio instituetur de Lectione spirituali, Conciione, & communicatione cum Patre Spirituali.

X. ANNOTATIO.

Posteriorum trium Hebdomadum divisio.
Expiatus jam primæ Hebdomadis &c.

XI. ANNOTATIO.

Finis secundæ Hebdomadis.

Anima, quæ vult &c.

XII. ANNOTATIO.

Secundæ Hebdomadis Ordo:
In primis nobis proponit &c.

*Ad Meditationem de Regno
Christi.*

JESUS Christus missus ab æterno Patre, ad monstrandum humano generi perfectæ virtutis iter, exemplo potius quam verbis id executus est: idque sanè unicum satís efficax argumentum esse par est, quo ut eum penitus sequamur, persuaderi nobis oportet, & pro explorato esse, non esse majus aliquod vitæ nostræ bonum, quam Divinæ Servatoris nostri Vitæ industria imitationem; juxta illius nimirum argumenti veritatem, quam in Annotatione X. proposui-

poluiimus. Summa hominis est felicitas, si DEO perfectè placeat: placet autem, si , quanto potest, studio Incarnatum DEI Filium imitetur; idigitur si faciat, obtinuit, quantam mortalis potest, felicitatem. Id quidem licet ita omnino sit, Divinus tamen Spiritus, cum S. Ignatio, totique posteritati DEI-Hominis imitationem persuadere vellet, noluit in eo solum acquiescere, ut ostenderet boni omnis, ad quod aspirare mortales possimus, summa in vita nostræ cum sanctissimis Christi moribus conformatio[n]e consistere; sed alia insuper adjecta voluit, tâque non minùs valida argumenta, quibus efficiens ad hoc imitandi studium traheremur.

Exhibit nimirum nobis Divinus mentium nostrarum Magister JESUM Christum, Regem Regum, quasi semetipsum nobis pro duce offerat, demissa ad miseras nostras majestate sua, quam illis, salutis nostræ studio, voluit operire. Atque sic militari S. Ignatij genio se conformans Instructo[r] DEUS, hac nobis ratione supremum Ducem nostrum, velut in imagine quadam videndum exhibit, & audiendum.

Si, inquit, Rex aliquis terrenus electus à Deo, ad gubernandos Principes, & populos Christianos, ad expugnandas infidelium provincias, hoc animo sui decretum, de gentibus imperio suo

submittendis, enuntiari subditis juberet, velle
que, ut, quotquot in tam gloriofa expeditione
sequi illum vellent, non alio statuerent uti cibo,
vestitu, aliōve corporis cultū, quām quo Regem
uti viderent, promitteret verò insuper, quod
qui ex sequacibus pugnarum essent futuri socij,
illi & victoriarum se crederent fore participes,
pro militarium laborum numero, & asperitate;
Sanæ profecto nemo mentis foret, qui non ocy-
ùs tanti se Principis obsequijs, in tam nobili
negotio, cum conditionibus tam magnificis ul-
tro vellet consecrare. Cùm ergo Christus
Servator noster, Regum omnium supremus
Princeps ad hoc venerit, ut humanas aeteras
suo Patri, sibique mentes subijceret, cùmque ad
hunc finem tam gloriosum libero voluntatum
nostrarum assensu opus habeat, & idcirco invi-
tet nos, ad conjungendam secum destinato-
negotio operam, ad sui sequelam & imitatio-
nem nos pertrahens, cùm denique sancte nobis
polliceatur, neque victorias, neque triumphalia
illis dona defore, qui pugnis nunquam defui-
sent, sed fore quemvis participem quietis, &
gloriar, prout laborum fuerit generosus comes;
quis erit adeo pudendæ tandem recordiæ, qui
non animitus tanti Principis voluntati se to-
tum accmodeat, non ad illa tantum, quæ ut-

cun-

conque sunt necessariò toleranda, sed ad omnes
canis illecebras, & omnes honorum, vanæque
gloræ titulos prorsus abdicandos?

Hic discursus quatuor efficaces complecti-
ur rationes, quibus præter privatum commo-
dum nostrum, quod ex sanctissima hac servitu-
te nobis obvenit, quantumcunque relutans
animus potest expugnari. Prima ex infinita
Regis nos evocantis majestate dicitur; altera
ex quod se nobis præliorum, & laborum omni-
um socium, utique pretiosum, offerat; tertia
dignitatem exhibet, quam assequemur, cum
celestem tanti Duci vitam æmulari studebi-
mos; quarta demum ex obligatione nascitur,
quatenus omni illum studio diligere, qui
amoris erga nos incomparabili excessu nostras
inducere ærumnas non est dignatus, ut exem-
plò suo nos instrueret, qua ratione iisdem
tanquam posterioribus salutis nostræ instrumentis
ui nos oporteat, ut DEO Conditori nostro
quam acceptissimi, omnique virtutum appara-
tureddatur exultissimi.

Est autem hæc meditatio sequentium trium
Hebdomadarum fundamentum: generatim
enim quodammodo illa nobis mysteria propo-
nia, que consequentes de vita, & passione Chri-
sti meditationes sigillatim exponunt. Unde

consentaneum est , ut profundè illam animi
imprimamus, quò affectu ad imitationem Sal-
vatoris nostri feramur avidissimō.

Nuncupatur porrò hæc meditatio de Regno
Christi, sive quia Regi cuiquam terreno in illa
comparatur Christus, sive quia sub Regis illum
Schema contemplamur, qui amissum sibi princi-
cipatum cogitat sui denuo juris facere. Jam dis-
plex in homine DEVS regnum habet , quod
utrumque Unigenito suo tradidit ; horum
unum ita comparatum est, ut necessariò obtin-
peret homo; alterum servitute quidem cum, sed
arbitrariâ obstringit. Primum illud nunquam
non possedit, non item secundum, in quod scilicet
dominatum non exercet ampliorem, quam
quantum libera hominis voluntas subjectis ul-
tro facultatibus suis illi tribuit. Ita igitur prae-
varicatrixis nostræ voluntatis vitiò perditam di-
ctionem cùm DEUS recuperare vellet , misericordia
Unigenitum suum , qui omnem in id vitam,
omnes labores suos impenderet, ut nos aeterno
Patri redderet, ut par est, subditos, & obsequen-
tes.

Quâ in re illud imprimis considerandum es-
potuisse Dominum, & Salvatorem nostrum, vi-
tam & quæ sanctam in deliciis, & honoribus vi-
vere, quam in mediis ærumnis , & multiplici-
con-

contemptu vixerat: Generis ergo humani rationem habuit, quando illam, quam duxit, præ altera deliciosa elegit vitam, talem scilicet, quæ debebat esse, ut nos, qui summa laboramus infirmitate, sanctissimos Ejus mores imitati, securis salutis nostræ ad veræ sanctitatis culmen possemus pertingere.

Proinde cùm ad suum nos sequelam Dominus invitat, ita quodammodo nos alloquitur. Ne vos terreat vita meæ asperioris difficultas; ita vobis omnino persuadete, necessariam esse vobis, quantamcunque videtis, duritatem.

Non aliò eam sine amplectu sum, quām ut suaviter ad me vos alliciam & quōd sanè, si quid sapitis, animō feretis, ut, dum me sequimini, non durius vos oporteat vivere, quām me victum videbitis. Cùm ergo doloribus & ærumnismē videritis oppressum, non ad aliud putate me affligi, quām ut exploratum vobis faciam, hanc solatij, hanc honoris, commodi, felicitatis vestræ summam esse, si unum mecum dolere, contemni, egere vobis allubescat. Amplectimini, si me diligitis, & in vobis met efformate, quam yestrae studiō salutis sucepī, vitam meam.

Octava

Octava Veritas,

Explicata in meditatione de Regno
Christi.

Imitari deinceps Christi vitam debeo.

Primum Punctum de Regia Christi potesta-
te agit, quam cum ideo acceptaverit, ut huma-
num genus universum, quantum posset, ad
æterni sui Patris obedientiam reduceret, simu-
me instruit, ipsis naturæ legibus me obstringi,
& Patri æterno, & Unigenito Ejus, tanquam su-
premis, & æquissimis Dominatoribus humani
generis, totum me ad omnem obsequij for-
mam subiiciam.

Secundum inexplicabiles Filij DEI erga me,
torumque humanum genus, favores exhibet,
& novum unum titulum explanat, qui arctissime
me devincit, ad id omne æterno huic, amabilis-
que Principi offerendum, quod à me desiderat;
quandoquidem plura infinites pro me penitu-
lit, quam ea sint, quæ à me exigit, amoris ineffa-
bilis impulsus robore.

Tertium illa enumerat, quæ Salvator nostet
à me exigit tanquam subditò, naturæque legi-
bus suæ maiestati adstrictò, & cui beneficia tota-
tantaque contulit, quorum & numerus & pre-
mium omnem æstimationem superant. Est au-

tem,
deam
dem p
indua
sus ex
omne
nem b
vitam
staid
exem
Orat
I.
Carip
dzz,
tutene
II.
qua o
confe
dendi
do do
la wit
idea,
dutori
beam

tem, quod à me postulat, hoc unicum; ut studia vitam meam suæ conformare, ut hoc tandem paſto & placitos æterno Patri suo mores induam, & salutem meam modo quodam prorsus excellenti procurem. Unde intelligam, omnem meam, quanta quanta est, obligacionem huic denique recidere, ut Redemptoris mei vitam in meipso curem effingere, prout propria veritas habet, & sanctorum omnium exempla nos docent.

Meditatio.

De Regno Christi.

Oratio præparatoria ordinaria.

I. PRÆLUDIUM. Ob oculos sibi statueré Christum, ambulantem per vicos, & oppida Ju- dæe, ut doctrinâ, & exemplo homines ad Vir- tutem trahat.

II. PRÆLUDIUM. Pétere Divinam gratiam, quo opitulante generoso cordis affectu illi me consecrem, cum firmo animi decreto, & cre- dendî, & imitandi, quæ dicit, agitque; accipien- do doctrinâ illius pro virtutis acquirendâ regu- là, vitam autem ejus sanctissimam pro ejusmodi idea, ad cuius exemplar, si quidem placere Con- dinor in eo velim, penitus efformare me de- beam.

I. Pun-

I. PUNCTUM.

Christus totius humani generis
Rex est.

Consideranda.

Cum mitteret aeternus Pater Unigenitum suum in hunc mundum, Sanctissimæ Ejus Humanitati supremam in omnia creata potestatem dedit, qua toti quidem universo, maxime vero humano generi cum summi Regis imperio praesisset. Et Christus quidem acceptavit oblatam sibi dignitatem; quia sic placere aeterno Patri intellexerat, statuitque vires illico omnes intendere ad id, quod ad subiiciendum aeterno Patri terrarum orbem universum facta opus cognoverat.

Affectus.

1. Detestatio perduellis fraudulentie, quæ DEO jus illud, quod in voluntatem meam Regia potestate exercere deberet, eruptum ivi, quoties peccare ausus sum.
2. Laudare Divinam Bonitatem, quæ cum videret creaturam, offici sui velut immemorem, tam amabilem ei Regem providit, qui, quam posset suavissime, ad obtemperandum eam reduceret.
3. Gratiarum actio pro hac gratia prioribus omnibus majore.
4. Accepta, & adora JESUM, tanquam supremum

mem tuum Regem, & Dominum. 5. Gratulare
toi humano generi felicitatem suam, quâ sub
tali, antiquâ Principis gaudet dominatu. 6. De-
sidera, ut omnes pretiosæ huic servituti se man-
cipent. 7. Offer ei omnem libertatem tuam,
& sincerè desidera, consecrare eam illi integer-
rimè. 8. Profitere affectu, quô potes, sincerissi-
mò fidelem in omnibus subjectionem, qualis
decentanti, tamque amabilis Regis subditum.

II. PUNCTUM.

Christus se totum hominis reducendi
negotio impendit.

Quæ de subditis suis Divinus hic Impe-
rator statuit, non sunt nisi cum salute, & felici-
tate ipsorum maximâ, conjuncta. Fixum enim,
ratumque habuit, opes suas facultatésque
omnes, quoad per æterni Patris sui placita li-
cuerit, ipsorum salutî impendere. Exemit eos
omni gravissimarum calamitatum genere, &
omni bonorum apparatu cumulavit, eò se Ma-
jestatēque suam demisit, ut habitu inveniretur
ut homo; suavissimè cum illis egit, instruens
familiari velut colloquio de omni eo, quod ad
incolumentem illorum faceret: Virtutis, san-
ctitatisque exemplar aliud esse non voluit quam
sc;

se; Partes egit Redemptoris, Magistri, Duci, Amici, Consolatoris, Medici, Nutrics, Consiliarij, Advocati, Patroni, Procuratoris, & cuius tandem non? Imperij aliud nihil dedit, quam ut mutuô se amore complectentur. Se denique totum ipsis tradidit cå voluntate, ut & vita, & morte suorum saluti consuleret. Unde & ejusmodi vitam, necemque voluit eligere, quam suis scivit magis esse proficuam; cum tamen utraque doloribus, contemptu, & omnium rerumnarum genere fuerit refestissima.

Affectus.

1. Admirari bonitatem Regis mei ineffabilem, qui tantopere de salute mea est solitus, ut quidquid est, habetque, mei studio impendat. 2. Comparare coelestem hunc Principem, cum terra hujus nostrae Regibus, qui tanti non sunt, ut non magnam Majestatis sue partem subditus debeant, in quorum tamen commodum ipsi non raro parum expendunt. 3. Optare, ut huc inexhausta Bonitas cognoscatur, & ametur ab omnibus. 4. Gratiarum actio teperima protantis Coelitus in nos collatis beneficijs, enumerando saltē, quæ potiora sunt. 5. Offerre illi, quidquid à me exigit, & optare, ut in infinitum ampliora possim consecrare. 6. Polliceri summam pro viribus meis Divinæ Ejus Gloriz pro-

Ducis
Consi
& cuius
quam
e deni
& vita
Inde &
, quam
tamen
omni
neffabi
itus, ut
petidat
, cum
n sunt,
ubdinis
um ipse
ur huc
eretur ab
na pro
, enu
Offere
infini
olliceri
Gloriz
pro

propagationem, omni quidem studio quærendam, in eo tamen maximè, ut me totum Ejus obsequijs dedicem, amem, & sequar, quoad licet, opitulante Divina gratia; rem judicando prorsus indignissimam, ab hac vivendi ratione, vel tantillum discessisse.

III. P U N C T U M.

Christus aliud à nobis non exigit, nisi suâ Imitationem.

Consideranda.

Unum est, quod Cœlestis hic Princeps subditis suis imperat, laborum scilicet vult committere nos esse, vitamque illam difficultem, quam in salutis nostræ gratiam suscepit, ut imitemur, exigit. Nos, ut morem tam justæ voluntati geramus, validè utique, si quid sapimus, inducitur; tum ab ipsa Regis, qui jubet, magnitudine, tum ab honore, qui nos, cùm socij laborum erimus, comitabitur; tum à singulari beneficio, quod est, imitari æternum DEI Filium, tum ab omnibus, quas tam multipli in nos frequenter derivat gratijs, donisque cœlestibus, tum ab ipso denique amore, qui ad tam ærumnosum vitæ genus, pro nobis eligendum, ipsum permovet. Idem Sanctorum omnium generosa nos

T

exem-

exempla docent, quorum nullus est, qui non
Regis hujus cruenta vestigia presserit.

Affectus.

1. Fateri, & agnoscere, quām parūm sit,
quod exigit Dominus noster, si cum eo, quod
exigere summo jure potest, comparetur.
2. Agnoscere, quōd res nobis dignissima, &
honestissima sit, & quōd ingentia sibi à nobis
delata obsequia satīs utique præmij accepissent,
si in remunerationem id honoris, quod mo-
dō offert, cùm ad suī sequelam nos admittit, ex-
hiberet.
3. Penetrare omni studio Divinæ er-
ga nos Charitatis inventa, quibus id agit, ut ab
eo, quod adeo nobis, & utile, & necessarium est,
non abhorreatus.
4. Disquirere cum Salvato-
re nostro modos longè suaviores, quibus ui-
poterat, quin cogeretur ærumnas illas tolerare,
quas nobis exemplo suo dignatus est amabiles
facere.
5. Laudare incomparabilem hanc bo-
nitatem.
6. Demissè, & ferventer Divinam
ad id, quod Salvator noster intendit, opem-
flagitare, ut omni ipsius industriā imitemur.
7. Perpendere, sensimque veritatis hujus per-
otium quodammodo penetrare: quōd ex rebus
in hac quidem vita desideratissimis, nihil ita-
tum Divini cultūs, tum felicitatis meæ studiō
desiderare debem, quām ut Redemptori meo &
amo-

I. Meditatio. De Regno Christi. 291

amore, & imitatione sanctissimæ ejus vita proxima sim conjunctissimus: & quod ex omnibus, quæ in hoc orbe sunt formidanda, nihil ita horrere debeam, quam separari à tam beata cum DEO meo Unione. 8. Quod esset segnities intolerabilis post tot omnisætatis, & sexus templa. Nunquid tot Beatis ego Mentiibus fuit sapientior? 9. Proponere emendationem damnata negligentiæ, illamque jam nunc ordiri, 10. Offerre, quidquid sum, Redemptori nostro, illamque obsecrare, ut ita oblatum sibi manus dignetur acceptare, ut in promissi executione languorem nunquam contraham. 11. Sanctorum ad hoc negotium implorare suffragia.

Colloquium ad Beatissimam Virginem dirigetur; supplex petam, ut gratiam mihi impetrerem Redemptorem meum, pro eo, aequo, filiusque ejus desideraht. Ave Maria,

Compendium Meditationis

De Regno Christi.

Oratio præparatoria.

I. PRELUDIUM. Videre Domini obeyntem Iudeæ terras, ut ad virtutem homines pertra-

T. 2. II. PAGE

II. PRÆLUDIUM. Gratiam petere, quâ ipsi generosè me consecrem, sanctissimæque Ejus vita meam penitus conformem.

I. PUNCTUM. DEUS Pater Filium suum in has terras demittens, Humanitati Ejus supremum rerum omnium, quantum habet poterat, tradidit dominium; peculiari tamen ratione humani illum generis Regem constituit; quam ipse dignitatem ex æterni Patris sui amore acceptavit.

II. PUNCTUM. Quæ decrevit Divinus hic Princeps, erant subditis utilissima: se enim suásque opes in suorum obtulit commodum, quantum Divini Patris concederat voluntas. Malis verò eosdem exemit maximis, & bonis ornavit pretiosissimis.

III. PUNCTUM. Unum duntaxat à nobis postulat, ut vitam, quam salutis nostræ studiò suscepit, imitemur. Ut acquiescamus postulato, movere nos debet jubentis auctoritas, sua, quam nobis offert, societatis dignitas, similitudinis tam nobilis vitæ singulare beneficium, bonorum, quæ ab ipso recepimus, amplitudo, & amor præcipue, quô impulsus hanc vivendi normam elegit, sumináque tandem, quæ in nos ex imitationis hujus studiò derivatur, utilitas. Hoc est, quod tota Cœlum fecit Res publica. Cum illius sequi JESVM necesse est.

Col.

II. Meditatio. De Incarnatione Christi. 293

Colloquium ad Dominam nostram DEI
Marrem fiet petemusque, ut gratiam nobis im-
pitret, integrè Salvatoris nostri vitam imitandi.
Ave Maria.

XIII. ANNOTATIO.

Quid potissimum in Christi vita discendum
nobis, imitandumque sit?
Quemadmodum æquum omnino est &c.

XIV. ANNOTATIO.

De Mysteriis vita Christi, & modo illam
meditandi.
Concepto jam proposito &c.

Nona Veritas.

Explicata in meditationibus de vita
Christi.

Obedire debo perfectissimè, & ad annihila-
tionem usque me demittere, duramque ample-
ti paupertatem.

Primum Punctum in omnibus hisce medita-
tionibus perfectissimam Redemptoris nostri
obedientiam exhibit.

Secundum ostendit, quām mirabili ratione
humilitas immensum æterni Patris Filium anni-
bilaverit.

Tertium perennes sanctissimæ Ejus pauper-
T 3 rimæ-

rimæ que vitæ ærumnas, & calamitates exhibet. Et quid his omnibus significatur, quām, si quidem similes Bi fieri velimus, necesse fore, ut huic virtutum triadi integrè, omnique opera studeamus?

Meditatio.

De Incarnatione Christi.

Oratio præparatoria consueta.

I. PRÆLUDIUM. Cùm illuxisset tandem dies illa, quâ hominem D E U S induere decreverat, misit æternus Pater Gabrielem ad Sanctissimam Virginem, ut ab ipsa consensum impetraret necessariū promissi Messiæ conceptui. Obsequitur Divinis iussis Cœlestis hic Legatus, seseque cum ingenti coram Reginâ jam suâ sistit reverentiâ, salutat eo, quem divinitus acceperat, modo, nuntiat, eam futuram DEI Matrem, idque ut absque Virginitatis jactura contingat, fore Divini scilicet Spiritus obumbraturi prodigiò. Tum de adoranda nascituræ prolis majestate Virgineam Matrem edocet, miram insuper cognatæ Elisabethæ fecunditatem revelat, ut exemplo nimirum domesticō confirmet, non esse impossibile apud DEUM omne verbum. Virgo accepto hoc Divini partus nunciō, in suā se nihilum recondens, acquiescit Divinæ circa

se